



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM
ADMINISTRATIVNA KOMISIJA
Broj: 01/7-011- 1023 /03
Sarajevo, 30.6.2003.

ZAPISNIK

7. sjednice Administrativne komisije Zastupničkog doma Parlamentarne skupštine BiH, održane 30.6.2003., prije održavanja i po završetku 3. zajedničke sjednice administrativnih komisija oba doma, u vremenu od 12.00 do 14.00 sati i nastavak u vremenu od 16.30 do 17.00 sati.

Sjednici su nazočili: Munib Jusufović, Šefik Džaferović, Jozo Križanović, Vinko Zorić, Momčilo Novaković, Ivo Miro Jović, Mirko Blagojević i Nikola Kragulj.

Sjednici opravdano nije bio nazočan Hazim Felić.

Sjednici su nazočili i Vedran Hadžović, tajnik Zajedničke službe, Branka Todorović, tajnik Zastupničkog doma, Jadranka Korać, šef Službe računovostva i Dragica Hinić, stručni suradnik u radnim komisijama Parlamentarne skupštine BiH.

Ispred Izborne komisije BiH sjednici su nazočili Hilmo Pašić, predsjedatelj i Lidija Korać, tajnik.

Sjednicom je predsjedavao Munib Jusufović.

Na sjednici je predložen slijedeći

DNEVNI RED:

1. Razmatranje prijedloga Izborne komisije BiH i Kolegija Zastupničkog doma o reguliranju radno-pravnog statusa članova Izborne komisije BiH;
2. Razno.

Dnevni red usvojen je jednoglasno.

Ad.1.

Munib Jusufović ukratko je informirao prisutne o zahtjevu Izborne komisije BiH za reguliranjem njihovog radno-pravnog statusa.

Potom je g-din Hilmo Pašić, predsjedatelj Izborne komisije, obrazložio razloge podnesenog zahtjeva. Istaknuo je da trenutno, članovi Izborne komisije primaju paušalnu naknadu za rad, što je utvrđeno prilikom formiranja ove komisije. Međutim, Zakon o sukobu interesa u institucijama vlasti i Zakon o finansiranju političkih partija, nametnuli su Izornoj komisiji nove zadatke koji se moraju obavljati svakodnevno i kontinuirano, kao što je vođenje generalnog biračkog spiska, promjene mandata i svakodnevne provjere i istražni postupci i sl.

Stoga je neophodno da članovi Izborne komisije BiH, kao državnog organa, imaju reguliran radno-pravni status.

U potom otvorenoj raspravi učestvovali su Šefik Džaferović, Munib Jusufović i Vedran Hadžović.

Svi članovi Administrativne komisije suglasni su s prijedlogom za reguliranje radno-pravnog statusa članova Izborne komisije BiH, s obzirom na njen djelokrug rada. Dilema je postojala jedino o načinu na koji će ovaj status biti reguliran, da li odlukom Administrativne komisije ili Doma.

Vedran Hadžović istaknuo je da Poslovnik trenutno ne ostavlja mogućnost Administrativnoj komisiji da odlučuje o ovakvim pitanjima koja tretiraju status organa i institucija izvan Parlamentarne skupštine BiH.

Po okončanoj raspravi Munib Jusufović je predložio da se sačini prijedlog odluke koja će biti upućena Domu na izjašnjenje. Ova odluka će imati dva stavka. U prijedlogu prvog stavka odluke bilo bi utvrđeno pravo 4 člana Izborne komisije BiH na profesionaliziranje radno-pravnog statusa, dok bi u prijedlogu drugog stava Dom dao u nadležnost Administrativnoj komisiji utvrđivanje visine koeficijenata za obračun plaća članovima Izborne komisije.

Navedeni prijedlog članovi Komisije su jednoglasno prihvatili.

Razmatranje ove točke dnevnoga reda okončano je u 14.00 sati, a nastavak sjednice je počeo u 16.30 sati.

Ad.2.

Razno:

a) Članovi Komisije su jednoglasno donijeli odluku o odbijanju prigovora Milana Zjajića na obračun troškova službenog puta u Moskvu, obavljenog u vremenu od 21.5. do 25.5. 2003., kao neutemeljenog, iz istih razloga zbog kojih je odbijen identičan prigovor Ahmeda Jalovčića na 3. zajedničkoj sjednici administrativnih komisija oba doma, održanoj istog dana.

b) Članovi Komisije jednoglasno su donijeli odluke o profesionaliziranju radno-pravnog statusa u Parlamentarnoj skupštini BiH zastupnicima:

- Nijaz Duraković, počev od 1.7.2003.;
- Muhamed Suljkanović, počev od 1.9.2003.;
- Tihomir Gligorić, počev od 30.5.2003.

c) Članovi Komisije jednoglasno su donijeli odluku o ostvarivanju prava na naknadu po osnovu odvojenog života od obitelji, troškove smještaja i prevoza, zastupniku Mirku Blagojeviću, počev od 1.7.2003., uz uvjet da priloži potrebnu dokumentaciju u Tajništvo Parlamentarne skupštine BiH.

d) Članovi Komisije jednoglasno su odlučili da odbiju zahtjev zastupnika Mirka Blagojevića za naknadom troškova liječenja supruge usljed porođaja, s obzirom da ovaj zahtjev nije sukladan s Odlukom o načinu obračuna plaća i ostalih materijalnih prava zastupnika i izaslanika u PS BiH.

Zapisnik sačinila:
Dragica Hinić

Predsjedatelj
Administrativne komisije
Munib Jusufović